

Ո Ր Ո Շ ՈՒ Մ N 6
/վարչական տույժ նշանակելու մասին/

«18» փետրվարի 2019թ.

ք. Սիսիան

Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արա Ավետիսյանս, քննելով ԻԻՀ քաղաքացի Սեյեդ Ռահիմի /անձնագիր՝ E47436472/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ԻԻՀ քաղաքացի Սեյեդ Ռահիմի անվամբ 23.11.2018 թվականի թիվ 05100041/231118/0000309132 մաքսային մուտքի օրդերով «Ժամանակավոր ներմուծում» մաքսային ընթացակարգով 60 օր ժամկետով ՀՀ տարածք է ներմուծվել JAC մակնիշի, 74E371-10 պետհամարանիշի, 2016 թվականի արտադրության ավտոմեքենան: Նշված ավտոմեքենան սահմանված ժամկետում՝ 22.01.2019 թվականին, չի արտահանվել ՀՀ-ից, որի արդյունքում խախտվել է հետագա արտահանման պարտավորությունը:

ՀՀ ՊԵԿ Հարավային մաքսատուն-վարչության Մեղրիի մաքսային կետ-բաժնի ավագ մաքսային տեսուչ-իրավաբան Ժ/թ-ի կողմից 05.02.2019 թվականին ԻԻՀ քաղաքացի Սեյեդ Ռահիմի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

23.11.2018 թվականի թիվ 05100041/231118/0000309132 մաքսային մուտքի օրդերի համաձայն JAC մակնիշի 2016 թվականի արտադրության ավտոմեքենայի մաքսային արժեքը կազմում է 5.811.120 ՀՀ դրամ:

Վարչական վարույթի շրջանակներում 06.02.2019 թվականին թիվ 23-2/[1931233]-19 գրությամբ հարցում է արվել Ներքին անվտանգության վարչությանը՝ ԻԻՀ քաղաքացի Սեյեդ Ռահիմի սահմանափակումների պատմությունն ստանալու նպատակով: Ներքին անվտանգության վարչությունից 07.02.2019 թվականի թիվ 1-4/[1932536]-19 գրությամբ ստացված տեղեկատվության համաձայն 23.11.2018 թվականին ԻԻՀ քաղաքացի Սեյեդ Ռահիմը JAC մակնիշի, 74E371-10 պետհամարանիշի ավտոմեքենայով Մեղրիի մաքսային կետով անցել է Հայաստանի Հանրապետություն:

12.02.2019 թվականին թիվ 23-2/[1936978]-19 գրությամբ հարցում է արվել Արարատյան մաքսատուն-վարչությանը պարզելու համար՝ արդյոք JAC մակնիշի, 74E371-10 պետհամարանիշի

ավտոմեքենան որևէ ընթացակարգով ձևակերպվել է, թե՛ ոչ, ժամկետի երկարացում ստացել է, թե՛ ոչ:

14.02.2019 թվականին թիվ 20-Գ2/[1939687]-18 գրությամբ Արարատյան մաքսատուն-վարչությունից պատասխանել են, որ JAC մակնիշի, 74E371-10 ավտոմեքենայի հետ կապված որևէ մաքսային գործառնություն չի կատարվել:

Այսպիսով, մաքսային կանոնների խախտման վերաբերյալ վարույթի նյութերով հիմնավորվում է, որ ԻԻՀ քաղաքացի Սեյեդ Ռահիմի անվամբ 23.11.2018 թվականի թիվ 0000309132 մաքսային մուտքի օրդերի «Ժամանակավոր ներմուծում» մաքսային ընթացակարգով ներմուծված JAC մակնիշի, 74E371-10 պետհամարանիշի ավտոմեքենան սահմանված ժամկետում չի արտահանվել, ինչով պայմանավորված թույլ է տվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 219, 221 հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար ԻԻՀ քաղաքացի Սեյեդ Ռահիմիին ենթարկել վարչական պատասխանատվության՝ տուգանելով **929780** ՀՀ դրամի չափով:
2. Որոշման մասին հայտնել ԻԻՀ քաղաքացի Սեյեդ Ռահիմիին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% 650846 դրամ և 900293063013՝ գումարի 30% 278934 դրամ (ՀՀ պետական բյուջե, կենտրոնական գանձապետարան, Հարավային մաքսատուն-վարչություն, ԿՈԴ 30):

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

Մ/Ծ ԳՆԴԱՊԵՏ

ԱՐԱ ԱՎԵՏԻՍՅԱՆ